



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manvale Exercitiorvm Spiritvalivm

Capilla, Andrés de

Coloniae, 1607

De virtute spei. Exercit. 68.

[urn:nbn:de:hbz:466:1-53232](#)

DE VIRTUTE SPEI.

Exercit. 68.

Rom. 5. Spes autem non confundit.

Rom. 8. Spe salui facti sumus.

Psal. 70. Domine spes mea, à iuventute mea.

Psalm. 30. In te Domine speravi, non confundar in eternum.

Consideratio.

Considerabimus, quam secura sit spes Christianorum, cum Dei qui fidelissimus est, & non potest negare seipsum, promissionibus infinitatur: ac proinde quemadmodum fieri non potest, ut Deus deficiat: ita fieri non potest ut verba ipsius re ipsa non perficiantur.

Gratiarum actio.

Gratias referemus Deo, quod promiserit nobis bona in effablia æternæ beatitudinis: atque ut illa speremus iubeat: Gratias etiam agemus ei, pro admirabili auxilio, quod nobis, ut ad bona hæc pertingere possemus,
g + sup-

suppeditauit, quando vnigenitum filium suum, humana carne vestitum, & pro nostra salute mortuum, cum omnibus meritis ipsius nobis donauit.

Confusio.

PUdore suffundemur: quod cor nostrum caducis & fallacibus præsentis vitæ bonis, immode dic affixum esse videamus; cum tamen vera & æterna bona, quæ in altera vita nobis conferenda sint, speremus.

Petitio.

ROGABIMUS Deum, ut in animabus nostris spem excitet, quo cuncta quæ mundi sunt immunda esse iudicemus, & contemnamus, atque omnibus laboribus & aduersitatibus in hac vita occurrentibus, sponte nos offeremus.

Oblatio.

OFFEREMUS voluntatem nostram Deo, promptam ad omnia quæ imperauerit & quomodo imperauerit: fiduciam duntaxat habendo in verbis ipsius, sine ullius alterius pigno

pignoris optione.

DE CHARITATE DET.

Exercit. 69.

Psalm. 17. *Diligam te Domine fortitudo mea, Dominus firmamentum meum, & refugium meum, & liberator meus.*

Psalm. *Quid mihi est in cœlo, & à te quid volui super terram: defecit caro mea & cor meum: Deus cordis mei, & pars mea Deus in aeternum.*

I. Cor. 13. *Si charitatem non habuero: nihil sum, nihil mihi prodest.*

I. Ioan. 3. *Deus charitas est, & qui manet in charitate in Deo manet, & Deus in eo.*

Consideratio.

Considerabimus quam infinitum bonum sit Deus, & quam dignus qui ab omnibus diligatur: quem quantumlibet dilexerimus: maiorem tamen amorem meretur.

Gratiarum actio.

Gratias reddemus Deo, quod non tantum facultatem nobis tribuat, sed etiam iubeat, ut ipsum diligamus: cum tamen amor noster nullius momenti sit: gratias etiam ageamus